

Fida Nyamesemka: Fankwa 6, 2013.
(Friday sermon – 6th September, 2013 – Fante Translation)

NGYIRESI ABORɔKYIRMAN MU (UK)JALSA SALANA 2013 NE NSESEMU.

Ayeyi nyinara Nyankopɔn dza! wɔayɛ Jalsa Salana wɔ Ngyiresi Aborɔkyirman mu dze aba ewie bio ma wɔdze ndaase sii gyina mapa. Obiara nyaa atsenka wɔ Nyankopɔn N’adom ho, hɔn a wɔbaa Jalsa no ase na hɔn a wɔhwɛɛ no wɔ MTA wiadze ne fenandze nyinara na abɛɛfor efir ‘internet’ do. Ɔyɛ Nyankopɔn Ne nhyira kɛse dɛ yeenya abɛɛfor kwan a yɛfa do hwɛ na yɛtsie dza ɔrokɔ do wɔ Jalsa ase wɔ wiadze ne fenandze nyinara.

Jalsa n’ekyir yi Ahmadiyyafo rekyerew dze kɔbɔ Huzur n’abaw do wɔ Jalsa no ho na wɔrekyerɛ hɔn enyisɔ so. Hɔn mu faara kyerew ka dɛ wɔwɔ mbeambea a ɔwɔ ekyir yɛse ampaara naaso wɔtsee nka dɛ gyama wɔwɔ Jalsa no ase bi (ɔnam MTA do) na ber a ɔkɔr ewie yi wodzii mbɔbɔ.

Ahmadiyya no nokwardzi na no sompa yɛ nwanwa na iyi na hɔn a wɔwɔ som yi n’egya so hu. Ahɔho a wɔbaa ehyiadzi no ase no mu binom kyerɛɛ hɔn enyisɔ wɔ Jalsa no ase a dɔm tsee mbre Nyankopɔn etsintsim hɛn enyimnyam. Mbom yeyɛ kuw a yeyɛ mberew wɔ wiadze afamu naaso ɔnam dɛ hɛn ahoma se Khilafat na yɛaka abɔmu ntsi wiadze banodzifo wɔwɔ atsenka toto hɔn kɔn dɛ wɔbɛba Jalsa yi ase. Hɛn nsatofrefo no mu bi ennya kwan annkasa wɔ pontsir hɔ, binom so dze nkrato bae naaso woenntum annkyerɛ hɔn atsenka pi. Iyinom yɛ atsenka a ndabraba nnyi mu.

Ber a Benin aban ɔsendzifo panyin a ɔwɔ Benin Asendzibeapɔn (Supreme Court) mu rekyerɛ n’adwen wɔ Jalsa ho no, ɔdaa mbabun na mbɔtoaba a ohunn hɔn dɛ wɔrosom Jalsa ahɔho no ewia na anago no ase. Ɔkyerɛɛ mu dɛ obiara dze anoyerew somee na biribiara a ɔmmafa kwan mu no ennsi wɔ dɔm kukuankoma yi mu. Ohunn dɛ mbre wosi bu adze no yɛ ɔkrabɔhwɛ na ɔdze nokwardzi na sunsum mu ndzeyɛɛ fi Jalsa hɔ rokɔ, atsenka a ɔda Ahmadiyyafo edzi. Ɔkamfoo kasa a nkorɔfo kaa no dɛ odzi mu. Ekyir yi a odzii ndan kɔr Benin no ɔnye nsemkyerewfo dzii ehyia wɔ wimuhɛn gyinabea hɔ a ɔman no ne nsem kyerewfo no kyerɛɛw ho nsem. Ɔkaa no wɔmu dɛ Ahmadiyya Kuw no akyekyer kurow wɔ hɔn asaase do a ehiadze biara wɔdze mae. Mbabun na mbofra somm ahɔho no na wɔdze biribiara mae wɔ ahɔhar mu ara. Ɔkaa dɛ oennhu obiara dɛ ɔrekasa wɔ ber a Hadhrat Khalifatul Masih dze ne nsem roto gua na ohunn dɛ iyi yɛ esuahun a ɔyɛ nwanwa a ne were nnkefir da. Ber a Jalsa no kɔr ewiei no, epiapia biara ammba mu; se obi tsia obi ne nan do a, ntsemara ɔpa no kyɛw, ndzembra nketsenketse biara wɔpa kyɛw wɔ ho. Ɔkaa dɛ se dem ɔman yi benya mpontu a nna obefir Ahmadiyya Kuw yi hɔn som a wɔdze som ɔman no. Ɔtotɔɛ serɛɛ Benin Ɔmanfo nyinara dɛ wobegyaa dɛ wɔbɔko etsia Jama’at yi na ɔhyɛɛ hɔn nkuran dɛ wobosua Islam ne ndzeyɛɛ efi Jama’at no hɔ. Ɔkaa dɛ, Ahmadiyya Khalifa wɔ ɔpɛ kor per; dɛ asomdwee bɛba wiadze. Ɔkaa dɛ ohunn dɛ Ahmadiyyafo dɔ hɔn Khalifa na hɔn

Khalifa so do hon; okaa de ohunn de onam odo a wodze do hon Khalifa ntsi, Ahmadiyyafo kyi nyinsuwa wo ho.

Ewuraba bi a ofi Burkina Faso a oye kuw a wohwe nsem a wotsintsim wo ne man no mu na oenya gyinabew pii a okron pen kaa de, dem Jalsa yin ye dze odzi kan a oaba ase. Okaa de oagya ne man ananmu wo Amanaman Nkabomu Kuw (UN) wo mber bi a etwa mu na Jalsa yi aman eduowotwe (80) mu mba na waba ase na onya atsenka de hon nyinara ye nyimpa kor a nyiyimu a ofa no bea a ifi anaa mbre honam enyi tse- tuntum anaa kokow- nnyi mu. Mbom, Ahmadiyyanyi biara ommfa mbre ne tsebea tse ho, de ne Khalifa na obiara so tow ko Nyankopon ho. Obiara ye nsatofrefo na ofrefo wo ber kor nara mu. Oreka n'esuahun wo nhyia a onye Ahmadiyya nwurabafo hyiaa no, okaa de, nhyehyee a ofa no de mfonyitwa, mfiir a wodze twa mfonyin na dza okeka ho no, mbasiafo nara na wodzi ho dwuma na iyi kyere de Purdah (akatatsir) mmbra mbasiafo hon fahodzi ase koraa, se obi nngye iyi nndzi a oamba mpinkyen Ahmadiyyafo. Oye no nwanwa de ohunn botooye a mbre Haddhrat Khalifatul Masih n'asoe tse, se yehwe mbre n'atsenka tse wo wiadze a. Onyaa atsenka de enyidzi a otse dem no onnhun Amanpanyin a wodze ma hon ber a wodze hon enumse roto gua. Dom nyinara taa tsenkomm tsiei n'enumsem.

Osoafo a ohe Sierra Leone omanmu nsem ho kaa de aban asoe pii wo ho a oaye ho edwuma wo mber bi a etwa mu, oako ehyiadzi akese pii ase na ohu de onkor ehyiadzi a otse de Jalsa da.

Ewuraba bi a ofi Sierra Leone a wotoo nsa free no kaa de, woyee Jalsa ho nhyehyee yie papaapa na afaafa a wodzii dwuma nyinara yee no yie mapa. Ohunn de Jalsa ye kwan soronko a wofa do yi kusum ndzeyee ahorow akwa na n'enyi gyee kasa a woka nyinara ho. Ohunn de nkorofa a woko ase nyinara nyaa odo sornko maa ankorankor na nsatofrefo no so wohyee hon enyimnyam yie. Obaasima no hunn de Jalsa edwumayefo dze anoyerew somm nkorofa ma oda Ahmadiyya hon ahyensew edzi de "wodo obiara na wonntan obiara"

Otsembuafo bi a owo Ivory Coast Asemdziibea Kese mu so wotoo nsa free no. Oye nyamesomnyi a okan Kuran dabiara na ohyehyee ma woye anapa asoye (Fajr Salat) wo n'ahohosombea ber a Jalsa rok do. Anohoba Mesia (ANN) n'awensem a wokenkann ber a worubuei Jalsa no too no do ara ma okyii nyinsuwa ma oka n'akoma. Jalsa kor ewiei no nsatofrefo yi kaa de ohunn de nda ebiasa mu no nna oefi wiadze yi mu na mbom onyaa sunsum mu esuahun. Na ber a Jalsa ko ewiei yi, oasan aba wiadze nam tetefon do nye n'ebusuafo na anyenkofo ridzi nkitaho.

Nsatofrefo bi a ofi Congo a nna oye okwankyerefo ma omanpanyin dadaw no na orepere afow omanpanyin egua no, baa Jalsa no ase wo da a otodo ebien no. Okaa de otsee Ahmadiyya Kuw no ne nka nnkyer pii na obaa Jalsa n'ekyir yi o'ehu de dza ohunii na otsee fii hen etsiafo ho no nnyi egyinasi biara. Odze too do so de aman banodzifo nnyi adze biara ye kyen de wobetsie Hadhrat Khalifatul Masih dza ofi n'enum beba. Oye no nwanwa ber a otsee de Jalsa dwumadzi biara etuhoakye nkorofa nkotsee na wodzii na iyi too no bobor. Okyerere mu so de dom kukuankoma a otse dem no polisifo ammba ase eso oye no enyigye de Ahmadiyyafo a wowo gyinabew akesekaese yee edwuma biara wo Jalsa ho na woda daadze. Oreka fa Huzur ne kasaa a okaa no da a otodo ebien ho no, okaa de oako ehyiadzi

akese pii ase na ohunn de amanyefo wode wodge nokwardzi kyere hon adwen wo nsem ho. Okasaa so faa mbre Huzur dze donhwer ebien kasae a nna dom no taa tsinkomm tsiei. Dem na koomye no tse ber a Huzur rekasa na osii gyina kakra no ohoho no dween de obiara nnyi ehyiadzi no ase ho. Nokwar enyiwa nyinara wodge tsimm bea a Huzur gyinae kasae no. Okyere de onnhun dem setsie yi da.

Ohoho bi a ne bogya fi Ebibir etsifi apaamu a ofi Belgium baa Jalsa no ase na nkye owo de otsena bea a woemiesie no soronko ama ahoho no nye dom dodow no dzidzii. Ekyir no obeyee Bai'at.

Ohoho kor so a ofi Belgium bae a aka Niger Kuw noho no baa de orobohwe siantsir a onam do ma Nigerfo reper ko Ahmadiyya Kuw no mu. Odze adwen mu mpeawmpeawmu bae. Ohun mbre Jalsa no si roko do na onye Ahmadiyyafo binom dzii mbisase ewimber no na onye Huzur dzii nkombi tsiabaa. Ekyir no akaa de oennhu biribiara a otsia Islam wo Jalsa no ase na 'enyi gyee Jalsa edwumayefo no hon nokwardzi na hon do ho.

Sadr a owo Tajikistan Jama'at mu no so baa Jalsa no ase na akaa de onkotum akyere dza odze n'enyiwa hunii na asem a obaa no ho nye "Nokwar anwanwa dza". Okyere mu de hon a wobaa Jalsa no, odo hyee hon akoma mu ma wo Khalifa na Anohoba Mesia (ANN) ho. Okaa de oennhu mfomdo biara wo Jalsano nhyehyee biara mu. Ogyee dzii de hon a wobaa Jalsa no dze nsesa mapa boko hon efiefi.

Ahmadiyyanyi ewuraba bi a ofi Tatarstan baa Jalsa no nyaa atsenka wo Nyankopon N'adom ho de kwan buei maa no ma obaa Jalsa na odaa Hadhrat Khalifatul Masih na hon a woyee edwumadzen wo Jalsa ber no mu ase. Okaa de obiara dze anoyerew hyiaa ahoho. Nna oehu Jalsa wo MTA do pen na de ne nyimpadua ebohu yi oenya atsenka de oaba sunsum wiadze a asomdwee na odo dzi hen. Okaa de ne kra aye yie de de oye Ahmadiyyanyi. Suahu a onyaa no Jalsa ho no too no do ara ma oreye nhyehyee a odze ne mba na ne maame beba Jalsa afedan, oye Nyankopon Ne pe a!

Ohoho bi a ofi Turkmenistan kaa de ne kra aye yie de oaba Jalsa no bi. Okaa de, oye ne dzen de odze n'ano famfa beka birib, mbom otwa no tsia see de Jalsa no ekenyan ne nyimdzee wo Islam mu na oama ne nkaakaa wo Nkomhyenyi Kronkron (NNN) ho ador na ekenyan no do ama no nuanom mbanyin na mbasiafo de mbre Anohoba Mesia (ANN) no kyerekyere no.

Abrentse bi a ofi Chile a obaa Jalsa no bi kaa de Jalsa no aye sunsum mu enyigye ama no. N'egya ye Muslimnyi na adze biara a okyere no mbofraber mu no, abrentseba yi no were efir. Ahmadiyyanyi osofo bi dze krataa afaafa bi maa no ma okenkanee ma onam do beyee Bai'at. Okaa de Jalsa ne mbaa kenyan ne gyedzi papaapa na oridzi ndan ako fie akaka Nyamesem.

Ahmadiyyanyi bi a oaba Kuw no mu foror a ofi Panama baa Jalsa na akaa de oenyan adzesuadze dodow. Ode, enuado a ohunii wo Jalsa no wonnkohu no wo beebiara a Muslim wo. Ododow nkitahodzi a nkorofu fi amanamando kenyaan ne gyedzi. Okaa de obo anohoba de osan ko Panama a, obeka Nyamesem. Onyaa atsenka de dom opepe eduasa (30,000) baa Jalsa eso hon akoma tow kor.

Kristiannyi ɔhɔho bi a ɔbaa Jalsa no ase kaa de, ɔɔ na tsema a ohunn no wɔ Jalsa no ase no ama oenya enyigye yie na onnhuun dem ɔɔ yi bi da wɔ beebiara.

Translated by: 1. Mr. Alhassan Kobina Atta-Wenchie
(Tutor, Jamiatul Mubashireen, Ghana)

2. Mr. Rasheed Possible Essuman Sahib
(Second Year Student, Jamiatul Mubashireen, Ghana)

Downloaded from: www.jamiatulmubashireen.org

Contact: www.jamiatulmubashireen.org/contact-us